

Typi J. QUELLAO . Universitatis & Facultatis Medicinæ Typographi, 1724.

QUÆSTIO MEDICA,

QUOD LIBETARIIS DISPUTATIONIBUS

manè discutienda in Scholis Medicorum die Jovis

16 Novembris 1724.

M. LUDOVICO JOANNE LE THIEULLIER,
Doctore Medico, Præfide.

AN A SYSTEMATIS, MEDICINA GERTIOR?

INEXPLEBILIS humana mens, inter ardua cæco vagans impetu quærit multa, assequitur pauca. Equis enim, hisce temporibus, peculiaris alicujus opinionis Patronus & Author haberi non desiderat? Fermento tumet alter, ille tritu obruitur, utrique favet alius; lis adhuc sub Judice. Ex innumeris tamen excogitatis ac diversis, nonnunquam optatus attingitur scopus; quia quò plura tentantur media, eò certior ac tutior tandem detegitur via. Unius operà adjuvantur; usu plurimorum, ipsoque longo & vario scientiæ consummantur. Difficultatibus autem ab incæpto nimium non deterreatur operantis naturæ scrutator: Hunc illæ non prosteruant, sed incitent. Primum erranti, deinceps certi quandoque patet semita. Si finem non obrinet, feliciores dabuntur, quæ jam adumbraverit, expedituri. Insipientium verò signenta pro systematis minimè reputanda. Quidquid de aliquâ re obscurâ proponetur enodandâ, verosimilem secum ferens ad eam, & pleraque ad ipsius naturam pertinentia, relationem, illud propriè *systema* vocabitur. Nihil appetat avidus homo, nisi quod assequi tandem se posse speret aut liceat. In omnibus Reipublicæ totius utilitas amorque veri quasi naucica tibi sit pyxis. Hoc probè medentis officium; Empyricos, nugas vel falsa venditare decet. A Physiologicis ergò procul tor jurgia de primario motu solidis vel fluidis innato aures protervè laceffentia. Quaratur autem, exempli gratiâ, num à fluidorum diversâ crassi, diversum quoque temperamentum; quaratur num vitiato fluido lædatur & solidum; hæc Medico digna: Quia non modò captui subjacent humano, sed & eo quod multis in utramque partem tentatis mediis, evidentia fuerint suppeditata in affirmantem argumenta, ut potè certam ducentia.



I I.

L A B O R improbus vincit illud, quod conatus pauci non delibassent. Præceteris scopulosum opus, Ars Medica ! Navem ignari frangunt, titubant Recocti ; ridiculum inde natum pro senibus proverbium. Omni ætate datur sapere, quam Deus illuminat. Solius vigilantis merces, veritas. Inerti, ipsamet aberratio pœna. Ab intricatis autem negotiis, noscitur sagacitas judicantis. Nodos apprimè solvit, qui multum diùque hæsit. Hos statim ac obvios expedire quibus datum ? Dè ipsius vi materiæ, Philosophi ; dè principiorum numero, naturâ, imò & existentia, Chymici ; dè digestionum opere & modo, Medici, inter se etiam nunc præliantur. Antiqua sanè Philosophia ; jamdudum viget Chymia ; ipsi deniquè cœva mundo Medicina. Quid igitur tot obscuritatibus scaturiunt artes & scientiæ, quas ardenti curâ rimati sunt earum Sectatores ? Rem saltèm adumbravère ; horumque laudandus ac fructuosus labor, quo nostra, alioqui sterilia, subiguntur ingenia. Quanta feliciter invenientibus, tanta sincerè & accuratè investigantibus debentur. Superbos vel segnes uti fatiscere, sic parvi æstimare licet. Quoniam verò, in rebus præsertim Medicis, certitudinem observare arduum est ; dè iis est dubitandum, dè quibus variæ sunt Authorum sententiæ ; tamdiùque dubitandum, donec argumentis certis fuerit inconcussum, hanc vel illam opinionem esse veram ac certam. Hanc stabiliunt contrarium confutationes, sine quibus ipsa latet veritas. Cum igitur, in rebus obscuris, certitudo vix possit attingi, hanc eò faciliùs assequendam, quò plura ad eam dirigentur media, nemo ibit inficias.

I I I.

Q U O T systemata, tot ad certum ducentes viæ. Quidquid enim excogitatur, si ad rationis normam fiat, viam ad illud sternit. Nulla fides illis adhibenda, qui quævis venditant pro veris ac certissimis, quæ opinioni suæ firmandæ servitura putant, licet eadem esse falsissima nôrint ipsi. A morosis hominibus illis nullum manat propriè dictum *systema*. Quodnam tale dicendum sit, colligitur ex dictis. Circâ tubulorum quorundam musculorum vè usum, situm, structuram, pertinax olim inter medicos exitit discordia ; singulorum opinio diversa ; lis ab uno dirempta. Priusquam omnium sensus congruerint, quot falsa data sunt ? Nî tamen errassent multi, rusticâ etiamnum ignorantia premeremur. Qui diuturnis laboribus exantlatis palmam veritatis rerulit, hujus adeptæ summâ voluptate rarò fruitor prior. Potest namque quis verum nosse, aliisque aperire ; qui tamen incertus sit an verum sit nec nè. Sic inter se quotidie Authores altercantur acriter, suspensaque omnium expectatio detinetur, cui, licet infcius, satisfecit forsan unus.

Errantium sensim debilitabuntur factiones ; novum firmabitur assertum ;
ceteros citò sui fautores allecturum.

I V.

N I H I L hypotheticum proponatur, nisi in ea veritas inquiratur, Sic sæpè fit ut reale fuerit deprehensum, quod tanquam systema fuerat exorsum. In dies Medicina excolitur & perpolitur. Circà sanguineæ molis partes, magna inter veteres opinionum varietas ; multiplex error : Res tandem aperta. Cognitam ut primùm fluidi compagem subsecutus est ejusdem moventis & moti cupido noscendi. Hoc opus, hic labor ! Illud alii patiens ; agens innumeri contendunt : Nil hæcenus undiquè certi. Ex duabus tamen probabilibus sententiis multo sudore agitatæ, probabilior secunda vociferantes teret tritores. Nec solum in Theoriâ valet opinionum multitudo, his quoque multùm Medica debet praxis. Morbi videlicet causam capere falsò quis putat, quem deceptum alter illuminat. In rebus ergò problematicis & *quod libet*is, ut inani tuæ ingenii subtilioris servias gloriæ, præconceptis opinionibus tuis mordiculis non adhæreas. In rebus à fortiori tùm sanitatem, tùm vitam hominum spectantibus, cave nè cum præsentis proximi periculo & damno per fas & nefas imaginaria tuteris figmenta. Uni veritati & laborantium commodo consulendum est. Talibus ducta consiliis humana mens, insidiosum à recto secernet, ex obscuro lumen eliciet.

V.

I GITUR à multiplicatis systematis, multiplex exurgit ad certum via. Tritores audis ? Tritis superentur argumentis. Necdum contenti reclamant fermentatores ? Vero similiorem tueantur opinionem, certam postea fortè tenendam. Ululantes catervatim accedent otiosi cum ignatis, systematum uti & laboris ac studii hostes Zelotypi ? Sperne priores ; ceteros silentio corripere. Sic intricatissimi solventur theseos nodi. Instabit alter ? Loquaci cui libet vel malefano liberum dat aditum propositio vestra ? Præ manibus, vel potiùs in ore, exemplum hoc tibi sit, potensque responsum. Fæcundum currentemque novissimorum tritûs fautorum novimus calamum. In arte poeticâ fertilem quoquè cognovit Horatius Ennium. Delirent ; annuo : Felicem eorum censeo culpam, ex quâ melior ad certum ducens semita nascitur.

ERGO A SYSTEMATIS MEDICINA CERTIOR :

Domini Doctores disputaturi.

<i>M. Petrus Afforty,</i>	<i>M. Andreas Delaleu,</i>	<i>M. Joannes-Baptista Chomel,</i>
<i>M. Claudius-Anton. Renard,</i>	<i>M. Antonius le Moine,</i>	<i>Medicus Regis ordinarius, &</i>
<i>M. Franciscus Bailly, Eques</i>	<i>M. Petrus-Antonius Lepy,</i>	<i>Regia Scientiarum Academia</i>
<i>Medicus</i>		<i>Socius,</i>
		<i>M. Andreas Cressé,</i>
		<i>M. Armandus-Josephus Collot.</i>

Proponerebat Parisiis BERNARDUS DE JUSSIEU, Lugdunæus;
 Baccalaureus Medicus, & in Horto Regio Botanices Prode-
 monstrator, A. R. S. H. 1724. à sextâ ad meridiem.